

مجموعه ابو الخضر

ماسوا شایه سندن دلی تطهیرہ پالش
بر تو حکمت و عرفان الیہ تنویرہ آتش

هر ماه عربی ابتدا سیله اون بشده نشر اول نور فنون مجموعہ سیدر .

جزو ۳۲ [فی ۱۵ ربیع الآخر سنہ ۱۳۰۰] [نسخہ سی ۳] فروش

مکتوبنده سبب انحصاری این ایتضاح ایتماش ویا لکن روحنک بدندن
اوصاعش اولدیغی و برخانه دن اوصاعش کیمسه نك اوخانه یی ترکه حق
بولندیغنی بیان ایتشد . (مابعدی کله جک جزوده)

وصایای مدینه

برطاق و صایا واردر که کاشانه مدینتده وساده نشین امن و
استراحت اولمق آرزوسنده بولانلر ایچون تلقیسی فائده دن خالی دکلدن ؟
چونکه مدینتک تعریف مجملی [آسایشده کمال] اولدیغنه کوره آنک
اخلاصه بادی اوله جق حالادن مجانبت و استکمانه مدار اوله جق
وسائطک تدارکنه صرف مقدرت ضروریات مدینه دندر .

واقعا هر نوع وصایا و نصایحک بعد الاستماع مواد عادیه صره -
سنه بکجه جکندن امینز . فقط بزه ایقا اولسان بر نصیحتدن حاصل
ابتدیکنز فائده یه قبل النصیحه نائل اولدیغمنزی اولسون منصفانه اعتراف
ایله آندن هر زمان استفاده یه چالشملی یز .

مثلا هیچ برکیمسه تصور اولتمز که خوابگاهنده برده ییلان بولنه
بطلسنه اهمیت ویرمسون . وینه هیچ بر آدم یوقدر که خوابگاهنک
ییلان دن و ییلان قدر مضر برطاق حشرات و موزیاتدن مصون و بناء
علیه کندیسنک حالت نومده بودرلو خواطر حشیتدن مأمون بولندیغنه
قائل اولسون . بو حالده برآمده یاندیغکنز اوطرده احتیاطاً برحقه
ریاق و یا بر شیشه آمونیاک بولندیرکنز و یاخو یتاغکنزک اطرافنه
براز دوکولش کافوری سرپکنز ، هم عفونت هوادن منبعث برطاق
امراضه میدان ویرماش و همده حشرات و موزیاته سدراه تجاوز

اولش اولورسکز . دینه جک اولسه تمامیه موافق مدینت بر نصیحت
ایفا ایدلش اولور . (*)
شو قدر وار که بویه بر نصیحتده بولنه بیلک ایچون اول امرده
امرجه حیواناته وقوف ثانیاً خواص اشیا یی تبع و باخصوص اجرای
تطبیقاتی یولنده بر چوق تجارب اقتضا ایدر .

بناء علیه اساسی فته مستند اولان بویه بر نصیحتدن تحصیل
ایده جک فوائد ایهه بالخاصه تأمله شایندر .

اولاً حفظ صحت نقطه نظرندن باقینجه عافیت بدن کبی بر آنی
بیک جهان خزینه سته معادل اولان بر نعمتی یکیدن استحصال دگلسه ده
اضراردن محافظه حاصل اولیور ؛ چونکه قبالی براوطده محبتس
اولان بر هوایی تنفسدن بر طاقم تبخرات مضره حصوله کلیر که آنی
امتصاص و دفع ایتدیکه جیادتی بر قاده اخلال ایدیلیر . جیادتی
مخل اولش بر هوا ایهه سم قاتلدر . ایتسه کافوری کبی مضاد تشنج
بر ماده بودرلو محظورله محل براغز ؛ دائماً او تبخراتی تصفیه ایدر .

ثانیاً عقرب کبی ییلان کبی سم آلود بر طاقم حشراتک تجاوزاته
و قخته پتی قبیلندن بر چوق موزیالک تعبیر آنسه مانع اولور ؛ و بناء
علیه حضور بال ایله خواب استراسته بولنیلور .

شو مثالی ایراددن مقصدمز « وصایای مدینه » عنوانی آلتنده
بازه جغیز شیلرک اکثریسی فنون و تجاربه مستند معلوماآدن عبارت
اولدیغنی و بناء علیه بومثلاو وصایا نه قدر عادی اولسه دخی - چونکه
هر کسک بیلدیکنه نسبتله بیلدیکنه حد و غایه اولمدیغندن - ینه پک چوق
ذوالک استفاده سته خدمت ایده جکنی تأمین ایچوندر .

(*) یتاق اطرافنه سرعی توصیه مز خلقمز اکثریت اوزره یتاقلرینی بره
مردکریچوندر . یوقسه قاریولده یتانلر بر زنکه قوطلی ایچسه براز کافوری
محلوق القا ایله قاریولده آیاقلریله وضع ایتمی درلر .